

**Meeqqat inuusuttuaqqallu angerlarsimaffiup avataanut inissinneqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi saqqummiussaqaarnissaannik Naalakkersuisut pisussaaffilerneqarnissaannik**  
**Inatsisatut aalajangivigisassaattut siunnersuut.**  
*(Inatsisartunut ilaasortaq, Mikivisuk Thomassen, Inuit Ataqatigiit, saqqummiunneqartooq)*  
**pillugu**

**Ilaqutariinnermut Peqqissutsimullu Ataatsimiititaliap**

**siunnersuutip aappassaaneerneqarneranut**

**ISUMALIUTISSIISSUTAA**

Ataatsimiititaliap suliarinninnermini makku ilaasortarai:

Inatsisartunut ilaasortaq Laura Táunâjik, Siumut, siulittaasoq  
Inatsisartunut ilaasortaq Stine Egede, Inuit Ataqatigiit, siulittaasup tullia  
Inatsisartunut ilaasortaq Jess Svane, Siumut  
Inatsisartunut ilaasortaq Aqqaluk Heilmann, Atassut  
Inatsisartunut ilaasortaq Malene Vahl Rasmussen, Demokraatit  
Inatsisartunut ilaasortaq Mikivisuk Thomassen, Inuit Ataqatigiit  
Inatsisartunut ilaasortaq Aqqa Samuelsen, Inuit Ataqatigiit

UKA 2018-imi ulloq 8. november siullermeerinninnerup kingorna ataatsimiititaliap siunnersuut sukumiisumik misissorpaa.

**Siunnersuutip imarisaa siunertaalu**

Meeqqat inuusuttuaqqallu angerlarsimaffiup avataanut inissinneqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi Naalakkersuisut saqqummiussinissaat siunnersuuteqartup kissaatigaa.

**Siunnersuutip Inatsisartuni siullermeerneqarnera**

Siunnersuut siullermeerneqarnermini tamakkiisumik tapersersorneqarpoq, tamannalu tungavigalugu sukumiinerusumik suliarineqartussanngorlugu Ilaqutariinnermut Peqqissutsimullu Ataatsimiititaliamut innersuunneqarluni.

**Ataatsimiititaliap siunnersuummik suliaqarnera**

18-t kisitsisaannaapput. 18-inik ukioqaleraanni pisinnaatitaaffeqalertapoq, tamatumalu

kingunissai tamaasa ilanngullugit akisussaaffigineqalersarlutik. 18-inik ukioqalersimagaanni imaannigilaq tapersersorneqarnissamik pisariaarutsitsisoqalartartoq. Taamaalilluni ukiut 18-t pisariaqartitsinerlu imminnut attuumassuteqangillat. Soorlu siunnersuummik siullermeerinermi erseqqissarneqartoq meeqqat tapersersorneqarnissaat pillugu malittarisassani atuuttuni inuusuttut 18-iniit 23-inut ukiullit malitseqartitsiviusumik nakkutigineqarnissaat pillugu immikkut maleruagassaqartoq. Matumani meeqqat inuusuttullu arlaqartut inissinneqarsimasut immikkut tapersersorneqarnissamik isumassorneqarnissamillu 18-ileereersimagaluarunilluniit pisariaqartitsisinnaanerit nassuerutigisariaqarpoq

Malitseqartitsiviusumik nakkutiginninnissamut qanoq neqerooruteqartoqassanersoq pillugu kommunalbestyrelsit aalajangiisussaapput.

Tamanna qanoq annertutigisumik pisarnersoq malitseqartitsiviusumillu nakkutilliinissamik kommunalbestyrelsi pisariaqartitsinermut sanilliullugu neqeroorutigisartagaat qanoq annertutiginersut ilisimaneqanngillat.

Tassani pissutaasoq siunnersuutip soqutiginaateqartilereerpaa pingaaruteqalereersillugulu. Meeqqanut tapersersuinissaq pillugu inatsimmi malitseqartitsilluni nakkutiginninnerup eqqortinneqarnissaanut qulakkeerisussamut periusissiatut pilersaarutit periusissiatut pilersaarut kissaatigineqartoq paasineqassasoq akissuteqaammi Naalakkersuisut oqaatigaat. Taama isummerneq ataatsimiititaliamit isumaqatigineqarpoq, iliuusissatulli pilersaarutip pingaaruteqassusaa pingaartumillu ilisimasani tunngavilimmik periusissiatut pilersaarut ataatsimiititaliamit ilanngullugu pingaartinneqarpoq, pilersaarullu taanna sammineqarnissaa pisariaqarpoq kommuniniillu neqeroorutigineqartartoq malitseqartitsiviusumik nakkutiginninnerup sunniutaasa pitsaassusaat pillugu pilersaarut annertunerusumik sammineqarnissaa pisariaqarpoq. Ilisimasat tunngavilugit misilittagarineqalersunullu tassaapput periusissiat pilersaarutit atorineqarsinnaasunngortissavaat.

Naalakkersuisut kommunillu akornanni qanimut suleqatigiinnerup ingerlaannarnissaa, kiisalu kinguneqarluartumik pisariaqarfiatigullu isorinnisinnaassuseqarluni oqaloqatigiittoqartarnissaa ataatsimiititaliap kaammattuutigissavaa, taamaaliornikkut meeqqanut tapersersuinissaq pillugu malittarisassamik malinnittoqarnissaa qulakkeerineqarsinnaaqullugu.

### **Siunnersuutip aningaasatigut kingunerisassai**

Siunnersuutip piviusunngortinneqarnissaanut suna tamaat ilanngullugu 500.000 kr.-t nalinginik aningaasaqarnikkut allaffissornikkullu kinguneqarnissaa siunnersuuteqartup siunnersuummini oqaatigimmagu ataatsimiititaliamit maluginiarneqarpoq.

**Ataatsimiititaliap inassuteqaataa**

**Siunnersuut ilusimisut iluseqartillugu akuerineqassasoq ataatsimiititaliap isumaqatigiittup inassutigaa.**


Taama oqaaseqarluni isumaliutissiissummilu oqaatigineqartunut paasinnilluni siunnersuut ataatsimiititaliap aappassaaniigassanngortippaa.



Stine Egede  
Siulittaasup tullia



Laura Táunâjik  
Siulittaasoq



Jess Svane



Aqqaluk Heilmann



Malene Vahl Rasmussen



Mikivuk Thomassen



Aqqa Samuelsen